

نوحہ

زینبؑ دی دواذاناں نئی بھلدی اک کوفے دی اک کربل دی
دو ضرباں دل تے ہن تائیں اک کوفے دی اک کربل دی

سن دوویں اذاناں فجر دیاں اک حیدرؑ دی اک اکبرؑ دی
اک کوفے دی مسجد چ ہوئی اک کربل دے صحرا چ ہوئی
زینبؑ نے او مسجد چ سنی اک کوفے دی اک کربل دی

کوفے وچ اک تلوار چلی سر چاک ہو یا ہائے بابے دا
کربل وچ برجھی نے ہائے دل چاک اے کیتا بچڑے دا
تلوار جگر نوں چیر گئی اک کوفے دی اک کربل دی

کوفے دی مسجد دی ضربت زینبؑ نوں یتیم اے کر چھڈیا
مقتل دیاں ضرباں نے ہائے شبیرؑ دا سر اے جدا کیتا
رک سکتی نہیں ماتم داری اک کوفے دی اک کربل دی

پردیس چ زینبؑ کوفے وچ بابے دی شہادت تے اُجڑی
ویراں پُتراں دیاں لاشاں تے کربل وچ زینبؑ روندی رئی
زینبؑ دے سروچ خاک رئی اک کوفے دی اک کربل دی

کوفے سچ جنازہ بابے دا جیویں ٹوریا گھرتوں زینبؑ نے
شبیرؑ نوں ٹوریا اے ایویں خیمے دے دَرتوں زینبؑ نے
کریا دو گھڑیاں روندی رئی اک کوفے دی اک کربل دی

گنے شام دے زخم بہوں گہرے تے صدمہ ردا دا اوکھا اے
پر دکھیا درداں ماری دا دل خون دے اتھرو روند اے
زینبؑ نوں یاد جدوں آئی اک کوفے دی اک کربل دی

اے مرض کدے نہیں بھل سگدے زینبؑ نوں کوفے کربل دے
روماتی پُرسے دیندے رے زینبؑ نوں کوفے کربل دے
ہائے یاد نہ صفدر دل چوں گئی اک کوفے دی اک کربل دی